

## Chindoto na Amaroro

Chumatano, 11.5.2016

Chindoto na Amaroro Namba 1

<sup>(1)</sup> **Obochenu ase Omotongi O Kare  
na Kare**

**Chindoto na Amaroro**

**chirikire na**

**Jeanine Sautron**

**Ekanisa ya Filadelfia,**

**“ENTIGARI”**

<sup>(2)</sup> Obotomwa obo nigo bore **obw’ense**  
**engima, boorokirie na YESO, omwana**  
**o Nyasae:**

**Ebimanyererio 7**

**biasansoirwe**

**IGORO.**

<sup>(3)</sup> **EBIMANYERERIO 7**

**BIASANSOIRWE.**

**YESO NGOCHICHARE!**

<sup>(4)</sup> **Bono okoirana oko**

**nigo kore**

**gesieri na monwa!**

**OBORORI**

<sup>(5)</sup> **Okoigorwa kw’ebimanyererio 7**

**aaria igoro:**

**Ebimanyererio 7 biasansoirwe.**

<sup>(6)</sup> Nigo nateneine ang’e nekerogo  
ekenene ekerabu ki’obonene, agwo ase  
YESO aikaransete; na goetanana ase arenge  
*mbarengo* abagaka emerongo ebere na bane  
(24).

<sup>(7)</sup> Ang’e nekerogo ki’obonene ki’emanwa  
y’eng’ondi, nkarangerigwa ase oborori obo  
mbere aroro ekero **ebimanyererio (7)**  
biarengo gosansorwa.

<sup>(8)</sup> Nkarora omomalaika ogocha nekaratasi  
eringanirie ebekire ebimanyererio bitano na  
bibere (7), ekieni ki’amanyinga.

<sup>(9)</sup> Omomalaika akaa YESO, ekaratasi eye  
yaringanirie na obokiriru bwa beene bokaba  
igoro. Nigo nateneine ase omoganda  
omonene mono bw’abamalaika erio imbe  
kirori ase engaki eye, *eyio yarengo*

**Y’ENG’ENCHO ENENE NA YA BEENE:**

**Ogosansorwa kw’ebimanyererio 7.**

<sup>(10)</sup> YESO agatenena korwa ase ekerogo  
kiaye ki’obonene na, agachaka gokwanera  
omosangererekano bwa abamalaika na  
abagaka baria emerongo-ebere na bane (24),  
agateba iga:

**“Bono nigo ere engaki ya beene.**

**Ngochiande gosansora ebimanyererio  
bitano na bibere (7) bi’Okomaanoka kwa  
Yohana.”**

<sup>(11)</sup> Ekero arenge gotenena, akaimokia  
amaboko aye are nebisambo gochia igoro, na  
akamworokia ise, na agakwana bosio  
bw’omosangererekano bw’abamalaika na  
abagaka emerongo ebere-na bane (24):

<sup>(12)</sup> **“Narure obogima bwane, amanyinga  
aane, ntoorie mwanabanto b’ense.  
Engaki yaikire Y’OGOKOORA ebibe na  
obogambi obotindi bwa saitani, kerecha  
nebirecha biaye.”**

<sup>(13)</sup> “Ense yabeire Sodomu na Gomora. Ngochiande gosansora ebimanyererio bitano na bibere (7) bi’endamwamu yane erio abamenyi bonsi ba igoro na ab’ense bamanye igoro y’egektorwa eke ki’endamwamu eyio egochicha.”

#### Chindoto na Amaroro Namba 2

<sup>(1)</sup> YESO, otoererete, naende agaikaransa igoro ase ekerogo kiaye ki’obonene. Inkarora okoira ekaratasi eria

**ebekire ebimanyererio 7 binantirie nobochoe obobariri,**

na, amo nekiara gi’okoboko gw’okorio, akabikora bikaigoka ekemo ase ekemo.

<sup>(2)</sup> Akayerambora, akayeakia eriso ri’endamwamu yaye buya mono, igoro y’ekina buna agendererete koyesoma bwango mono igoro ya keria kiarikire aroro.

<sup>(3)</sup> Erio akaa omomalaika oria orange ase obokoreri ekaratasi eye, na akamoboria ayesome **neriogi rinene** erio abamalaika ba igoro bonsi, abagaka emeronge ebere na bane (24) na Jeanine nario baramanye igoro y’ebimanyererio ebi bitano na bibere (7).

<sup>(4)</sup> Inkarora ekaratasi ekona koramboka buna arenge kona gosoma, erio omomalaika oyo ase okwegosa okonene agatiga gosoma na akamotobia YESO:

**“Beariganirie. Beariganirie.”**

<sup>(5)</sup> Ase ogosoma oko, tinamanyete ng’a omobisa o kristo, saitani nebirecha biaye beariganirie gosoa ase esegi amo n’Oyo Igoro Mono, *esegi* y’emeyio mamincha y’abachenu baye, na ng’a nigo arabeke ekerogo ki’obogambi bwaye igoro ase ense.

<sup>(6)</sup> Omobisa o kristo obeire ANG’E kooroka ore omonto igoro ase obosio bw’ense:

**Arimagedoni.**

<sup>(7)</sup> Nyuma y’ogosoma igoro y’ebimanyererio ebi bitano na bibere (7), ekaratasi ekaringanigwa na ekairanigwa gochia ase YESO. Agatenena korwa ase ekerogo kiaye ki’obonene na akarareria omosangererekano bw’abamalaika na abagaka emerongo ebere-na bane (24):

<sup>(8)</sup> **“Endamwamu yane ng’ang’e ere!**

**Nigo ere GESIERI NA MONWA!”**

<sup>(9)</sup> Kera egento kiarengese ase ekaratasi eye kegasomwa. Abamalaika bono bamanyire ng’a

**OBOIKO BW’ENSE, ENSE EYE**

**YAGAMBIGWE.**

Ngochiere goetera endamwamu ya Nyasae.

<sup>(10)</sup> YESO agateba:

**“OMOERIO**

**bw’esegi enene.”**

<sup>(11)</sup> Omoerio oyo bw’esegi origetwe na Ellen White, outire nomoika nomoika bw’obobani," *esegi eye* yaikere omoerio.<sup>1</sup>

#### Chindoto na Amaroro Namba 3

<sup>(1)</sup> **YESO okoraria**

**okoirana kwaye igoro ase amare aigoro!**

<sup>(2)</sup> Ngochare kwoyia ekanisa yaye eyio yeariganirie enyene, abwo banyorire

**EKEMANYERERIO KIA NYASAE ORE MOYO**

**igoro ase amasio abo.**

(3) Okoirana kwaye bono nigo  
koorokirie ase:

*Chindoto na Amaroro*

chirikire na

Jeanine Sautron

gochia ase ekanisa yaye na gochia  
ase abamenyi b'ense.

(4) Ase okoraria oko igoro y'endamwamu  
yaye, omwana o Nyasae nigo akoorokia  
amaboko aye are nebisambo na goteba:

“Tata, Amanyinga aane!

Amanyinga aane!

Amanyinga aane!

Obuya bono tiboio ase omonyabibe  
nebibe. Engaki yaye y'obuya yaerire ase  
ense engima.”

**“ENDAMWAMU NG'ANG'E ERE.**

(5) Onde tari oraminchorie,”

Omonene agateba;

“Onde tari oraminchorie!”

(6) “Nigo erabe buna okobina  
kw'omokungu ore morito.”

(7) Goetera ase okoraria oko, YESO  
nkoraria are **OKOIRANA** kwaye, okwo  
kore

**GESIERI NA MONWA!**

(8) **ENGAKI**

etigarerete ense eye

**nemetienyi meke igo.**

(9) **“GESIERI NA MONWA!”**

(10) YESO nigo akoboria abamalaika baye  
beariganie erio bagende koumerana na  
kwoyia omoriakari oye ore igoro ase ense,  
**baria bamwanchire Nyasae  
nomogisangio obo.**

**Chindoto na Amaroro Namba 4**

(1) Ere (YESO) agateba:  
“Bono Laodekia teiyo.

Nayiangire.”

(2) “Ekanisa yane nigo ekorokwa:  
Filadelfia.”

(3) Erio abamalaika bagaaka egeturi  
ki'omogoko! Nigo kiarenge egiateko  
ki'amariga y'omogoko, chihalleluya, amatera  
nogotogia!

**“Obonene, Obonene, Obonene ase  
YESO!”**

(4) Naende inche *nkabaigwa* bagotera  
ogotera gwe Ekanisa “Entigari”.

(5) Nomogoko okang'ana naki,  
nomosasoko okang'ana naki! Abamalaika  
nigo barenge gochenga amo na YESO na  
“omotigari,” ng'a **bwango ebibe tibikobao,  
obobe, emechando namakweri.**

(6) Amariogi y'amakano nigo arenge  
koigwekana gochia kera aase igoro engima.  
Igoro yonsi nigo yare gosegasega!

(7) Nigo nyegenete oborori obo mono.

(8) YESO akandigereria na agantebia:

**“Obuya bwane bwagoisanire.”**

(9) Nkarora ekaratasi eria y'ebimanyererio  
7 biatubire nobochoe obobariri bikobunwa;  
na abamalaika nigo bayerigereretie korwa  
aare; buna ndiria bairogete, omomalaika  
onde tari oremete koyekuna.

(10) Na nkarora omomalaika oria orange ase  
obokoreri bw'okoyerenda. Na ngasiria  
oborori.

(11) **Ebimanyererio biria 7  
biasansoirwe.<sup>2</sup>**

**YESO ngochare**

**korenta OMOERIO**  
**bw'ebibe!<sup>3</sup>**  
Jeanine Sautron